



**Prof Dr Mohamed Najib** (tiga dari kanan) mendengar penerangan mengenai hasil karya dipamerkan.



**Antara hasil karya** yang menonjolkan kreativiti pelajar.



**Arca bersandarkan ilham** mendalami budaya kaum Bajau.

# Matrix Show tonjol warisan Sabah

**Oleh Basir Zahrom**  
basir\_zahrom@bh.com.my  
BH 9.6.2016 VII  
Cyberjaya

**P**ameran Media Art Technology with Camera Tricks Excellence (Matrix Show) 2016 bertema 'Heart of Borneo' yang berlangsung di sini, baru-baru ini, memberikan gambaran jelas mengenai adat, budaya dan warisan masyarakat Sabah.

Khazanah yang mempunyai nilai estetika dan keunikan tersendiri itu diketengahkan melalui hasil karya pelajar tahun akhir Program Teknologi Seni Visual (TSV), Fakulti Kemanusiaan, Seni dan Warisan (FKSW), Universiti Malaysia Sabah (UMS), mencakupi pelbagai bidang seperti catan, animasi, filem, dokumentari, seramik, arca, cetakan, batik, kraf tangan, periklanan dan seni fiber.

Ketua Pengarah Lembaga Pembangunan Seni Visual Negara, Prof Datuk Dr Mohamed Najib Ahmad Dawa, berkata projek itu diharap dapat menonjolkan hasil karya mahasiswa sebagai produk bertaraf



**Pelajar Program TSV** bergambar dengan penilai Matrix Show 2016 di Galeri Seni FKSW.

antarabangsa, sekali gus menjadikan UMS ikon persidangan seni budaya pada peringkat Asia dan dunia.

"Saya yakin daya kreativiti dan inovasi pelajar seni visual UMS dapat memenuhi kehendak pasaran di luar," katanya ketika berucap meras-

mikan Matrix Show 2016 di Galeri Seni FKSW.

Pada pameran itu, mahasiswa tampil dengan karya berasaskan warisan etnik di Sabah yang diadaptasi daripada cerita rakyat, sejarah, cara hidup, motif, corak kraf tangan, haiwan, makanan,

tarian, tumbuh-tumbuhan, alat muzik dan isu kontemporari.

Sementara itu Ketua Program TSV, Norhayati Ayob, berkata Matrix Show menjadi medium untuk pelajar menterjemahkan segala ilmu teori dan praktikal ke dalam

bentuk dua dimensi (2D), 3D mahupun 4D berlandaskan penyelidikan masing-masing.

**Membuahkan hasil** "Pameran ini menyaksikan kebolehan pelajar bersaing dan tampil dengan karya asli, sekali gus menghasilkan port-

folio yang amat penting untuk melangkah ke alam pekerjaan nanti.

"Diharap projek ini membuahkan hasil positif dengan karya yang boleh dibanggakan dan mampu bersaing pada peringkat kebangsaan serta global," katanya.

info.

**Karya yang dipersembahkan**

- Filem
- Animasi
- Periklanan
- Seni Fiber
- Aksesori
- Catan
- Seni Tampak
- Tarian
- Kraf Tangan
- Alat Muzik
- Seramik
- Cetakan
- Arca
- Animasi